

ANTON JOSIPOVIĆ: Novi selektor reprezentacije BiH u boksu

05/08/2009 22:08 by Administrator

Bivši olimpijski šampion, prvak SFR Jugoslavije i Balkana, legenda banjalučkog boksa izabran za selektora bokzerske reprezentacije Bosne i Hercegovine. O boksu na ringu zna sve, što je i dokazao mnogo puta, a vrhunac je bio 1984, kada je na Olimpijskim igrama u Los Angelesu oko vrata stavio najsjačnije odličje.....Intervju s Josipovićem možete pročitati u daljnjem tekstu.....

Nekada zlatni olimpijac Anton Josipović nedavno je imenovan za novog selektora bokzerske reprezentacije Bosne i Hercegovine.

O boksu na ringu zna sve, što je i dokazao mnogo puta, a vrhunac je bio 1984, kada je na Olimpijskim igrama u Los Angelesu oko vrata stavio najsjačnije odličje.

Boksajući za banjalučku Slaviju, osvojio je prvenstvo Jugoslavije 1982. godine, da bi, godinu dana kasnije, osvojio titulu prvaka Balkana.

Sada se našao sa druge strane ringa i sada svojim ogromnim iskustvom treba nove generacije boksera da dovede bar blizu onoga što je on ostvario.

NN: Postali ste selektor bokzerske reprezentacije BiH. Jeste li zadovoljni tim angažmanom? Da li je do toga došlo iznenada?

JOSIPOVIĆ: U Bokzerskom savezu BiH ljudi se uvijek oko nečega usaglašavaju. Uvijek je riječ o selektorima, bokserima i klubovima. Minuli period bez rezultata prouzrokovao je određene promjene u reprezentaciji. Moj angažman nije došao iznenada, jer sam uvijek bio prisutan u bh. boksu i pratio događanja. Nadam se da uz pomoć nadležnih institucija koje vode računa o sportu možemo krenuti boljim putem i osigurati selekciju koja će imati pojedince spremne za međue na najvećim međunarodnim turnirima. BiH je zemlja koja je imala i još ima borbe ogromnih potencijala koje valja iskoristiti na najbolji mogući način. Ne smijemo dozvoliti da naši bokseri svoje egzistencijale probleme rješavaju radeći kao izbacivači po diskotekama. U tom slučaju možemo se pomiriti sa propašću.

NN: Kako komentarišete da se na našim pozicijama u Bokzerskom savezu naše zemlje nalaze ljudi iz Republike Srpske? Da li to utiče na izbor bh. selekcije?

JOSIPOVIĆ: Mislim da, zahvaljujući Ustavu BiH, imamo takvu strukturu ljudi na predsjedničkim i drugim funkcijama. To za mene ne predstavlja problem kada se radi o obavljanju poslova koji su u njihovim nadležnostima. Problem nastaje kada se ljudi iz Saveza, koje ja smatram i zovem političarima, počnu miješati u selektorov izbor boksera za reprezentaciju. Garantujem da mi niko neće određivati imena naših predstavnika na evropskim i svjetskim takmičenjima. Moji kriteriji su sportski rezultati i neki drugi momenti, kao što je psihološki sklop borca ili njegov karakter.

NN: Mislite li da su ranije pravljeni greške kada je u pitanju izbor reprezentativaca?

JOSIPOVIĆ: Nije pošteno da o tome govorim. Tvrdim da u trajanju mog mandata na mjestu selektora reprezentacije nijedan bokser neće biti na spisku ukoliko nije pokazao kvalitet kojim će dostojno predstavljati bh. boks u svijetu. Ako me neko bude primoravao da takmičare biram prema nacionalnom ključu, istog trenutka napustiti sadašnju funkciju. Jer sport je nešto što ne može ulaziti u takve okvire.

NN: Regionalna boksterska liga vjerovatno će startati početkom sljedeće sezone, kako je potvrđeno na prošlosedmičnom sastanku boksterskih stručnjaka iz Srbije, Slovenije, Hrvatske, Crne Gore i BiH?

JOSIPOVIĆ: Na sastanku u Puli skoro je sve dogovoreno. Osnivanje jedne takve lige bio bi veliki korak za boks na ovim prostorima. Radi se o tome da se kroz jednu jaču i konkurentniju ligu pokuša reafirmirati vrijednost ovog sporta. Srbija i Hrvatska imaju nekoliko vrhunskih boraca i Crna Gora također. Ako bokser ima mogućnost da bude u ring izlazi sa dobrim protivnicima, onda i on ima velike šanse za napredak. Boks je krvav sport, koji zahtijeva rad i dobru borbu. Vjerujem da će, ukoliko bude organizovana i dobije podršku, Regionalna liga pokrenuti boks na prostorima bivše Jugoslavije

NN: Kako vidite sadašnju situaciju u boksu u odnosu na vrijeme bivše Jugoslavije?

JOSIPOVIĆ: To nije moguće porediti. Jugoslavija je uvijek kotirala između petog i petog mjesta na svijetu. Jugoslavija je uzela tri medalje na Olimpijskim igrama u Los Angelesu 1984. Danas je sve daleko od toga. To ne znači da stvari ne mogu biti bolje. Naprotiv, ako dobro budemo analizirali situaciju i krenemo ispočetka, neće prestano iz dana u dan, možemo reafirmirati boks i vratiti ga na nivo na kojem je bio osamdesetih. Ovdje ima potencijala u koji treba ulagati, a ako mi to želimo, možemo mnogo toga promijeniti.

NN: Koje stvari moraju biti ostvarene i rekonstruirane da bi predstavnici naše zemlje donijeli medalju s najvećih boksterskih smotri?

JOSIPOVIĆ: Prije svega, svi ljudi u ovom sportu moraju ostati na okupu. Moramo imati dobro obučene trenere koji će poznavati karakter svojih boksera. Potrebni su nam jaki klubovi koji će imati dobru međusobnu saradnju. Boks mora imati podršku od strane države. Svaki takmičar mora poći naporne i vrhunske pripreme kako bi došao u rang najvećih na svijetu. Boks je takav, traži mnogo krvi i mnogo ulaganja.

NN: Kako vidite budućnost bh. sporta?

JOSIPOVIĆ: Da bi sport bio na vrhunskom nivou, pogrešno postavljene stvari treba primijetiti i rješavati ih jednu po jednu. Mislim da je društvo ključni faktor za sport. Ako dozvolimo da našim "klincima" idoli budu bande, droga i kriminalci, onda smo izgubili sport. Moramo raditi na tome da se djeca koja ovdje žive dive sportistima, sportskim radnicima i umjetnicima. U tom slučaju dobijamo duplu krunu. Dobro društvo i dobar sport.

Ćiro zna sve o fudbalu

Iako je stručnjak za boks, Josipović se osvrnuo na fudbalsku reprezentaciju BiH i selektora Miroslava - Ćiru Blaževića.

"Ćiro zna sve fudbalu. On je kroz razgovor, motivaciju i taktiku uspio napraviti reprezentaciju koja ima izgledne šanse da se plasira na Svjetsko prvenstvo. Selektor mora imati podršku u svom radu. Nadam se da poslije neće ostati potop i da će fudbal napokon krenuti naprijed", rekao je Josipović.

Mate Parlov

Josipović se sjetio Mate Parlova, legende jugoslovenskog boksa i bivšeg selektora reprezentacije Jugoslavije.

"Dok sam bio u reprezentaciji Jugoslavije, selektor je bio Mate Parlov. Taj je stručnjak u svakom trenutku svom bokseru znao reći konkretne i pouzdane savjete. Na pripremama reprezentacije prišao mi je samo dva puta i rekao mi na koje stvari moram obratiti pažnju. To su stvarno bila dva konkretna prijedloga koja su mi kasnije pomogla. Svaki selektor mora znati na pravi način da razvija svog boksera", rekao je Josipović.

Izvor: Nezavisne Novine

Autor: Osman ZUKIĆ

02.08.2009

Vultureteam

ANTON JOSIPOVIÄ† - 2009.

I N T E R V J U I - I N T E R V I E W

Izvor vijesti: boracbl.net